

J.-B. ASTIER

NAÏS

Coumèdi dramatico en un ate e en vers

La scèno represènto un apartamen de pescadou marsihés à la fin dóu siècle dès-e-vuechen: jambin e girelié pendoulant à la paret; ùnei parèu de rè m dins un cantoun; uno taulo e doues cadiero sus lou davans, un pau à gauch (lei cadiero l'uno au caire de l'autre).

À gauch: L'escudelié, la mastro em'uno pielo de sieto jauno dessus.

À drecho: Doues gouarbo l'uno sus l'autro e de mounte souerton de brime e de velo; uno outro gouarbo devessado clafido d'arret.

Dins lou founs: (de gauch à drecho). La pouerto, la paniero, la fenèstro, la cheminèio à cremascle, un pichoun auta de la Vièrgi.

(Quand la fenèstro es duberto au luen si vis la mar)

Au proumié plan: (à gauch): Naïs fredounejant *Cansoun d'Abriéu* e, drecho davans l'escudelié mounte plaço lei sieto jauno quand leis a proun eissugado em'un linge.

Au proumié plan: (à drecho). Patroun Lautard la pipo à la bouco, d'escambarloun sus d'uno cadiero e qu'es en trin de ramenda de tis.

L'intrigo si passo à Marsiho souto la Revoulucien

*

PERSOUNÀGI

- PATROUN LAUTARD: Pescadou, 55 à 60 an, l'èr d'un ome de mar, round dins sei gèste e sei paraulo.
- NAÏS: Sa fiho, 20 an.
- LOU CHIVALIÉ: 25 an, entouasiaste, bèu parlaire, l'èr distinga souto d'un coustume bourgés.